



Republika e Kosovës
Republika Kosova - Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 37/22

Në mbështetje të nenit 8 dhe 12 të Ligjit për Organizimin dhe Funksonimin e Administratës Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

I. Refuzohet kërkesa e Kolegjit ISPE, Nr 3512/21H, datë 01.11.2021 për riakreditim të programeve të studimit, si më poshtë:

- Studime të Sigurisë, BA, 180 ECTS (ri akreditim)
- Infermieri, BA, 180 ECTS (akreditim)

II. Ky vendim hyn në fuqi me nënshkrimin e tij.

A r s y e t i m i

Kolegji ISPE ka parashtruar kërkesë Nr 3512/21H, datë 01.11.2021, në Agjencinë e Kosovës për ri/akreditim për akreditim të programeve të studimit.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, KShC në mbledhjen e mbajtur më 21 dhjetor 2021 ka trajtuar aplikacionin e Kolegjit ISPE. Në pikën 1.2 të nenit 10 të UA për Akreditim, thuhet, “Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”.

Këto të dhëna janë prezantuar në mbledhjen e KShC-së të mbajtur më 21 dhjetor 2021, dhe pas shqyrtimit të dosjes për secilin staf akademik, KShC mori vendim që të refuzojë pjesërisht aprovimin e aplikacionit të Kolegjit ISPE. Bazuar në nenin e referuar më sipër KShC ka verifikuar të gjithë dokumentacionin relevant të kualifikimit të stafit akademik për programet e studimit.

- **Për programin e studimit: Studime të Sigurisë, BA, 180 ECTS**, janë vendosur si bartës të programit këta persona: Rifat Demalija, Aleksander Muskaj, Avni Mazrreku, Petrit Perhati, Bilbil Kastrati.

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*.

Ky program ka 180 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit, Kolegji ISPE duhet të ketë të paktën tre (3) staf akademik me gradën shkencore *PhD* me marrëdhënie të rregullt të punës nga fusha e programit të studimit.

Pas verifikimit të dokumentacionit për stafin akademik, u konstatua që Avni Mazrreku ka gradë akademike *PhD* në fushën e Juridikut, e cila bie jashtë kategorisë së Studimeve të Sigurisë apo Marrëdhënieve Ndërkombëtare sipas Erasmus Area Code (ESAC), duke rënë në kundërshtim me kriteret e UA për Akreditim të sipër përmendura. Po ashtu, KShC ka konstatuar se Kolegji ISPE ka deponuar dokumente të falsifikuara për bartësin Aleksandër Muskaj, i cili është vërtetuar se është i punësuar me orar të plotë në Republikën e Shqipërisë. Për më tepër ky person ka gradën akademike në fushën e Drejtësisë Civile, e që bie në kundërshtim me kriteret e UA dhe është jashtë kategorisë së Studimeve të Sigurisë apo Marrëdhënieve Ndërkombëtare. Sa i përket bartësit tjetër Petrit Perhati, ai ka gradë akademike *PhD* në fushën e Shkencave të Ekonomisë, e cila bie jashtë kategorisë së Studimeve të Sigurisë sipas Erasmus Area Code (ESAC), duke rënë në kundërshtim me kriteret e UA për Akreditim të sipër përmendura. Sa i përket bartësit të fundit Bilbil Kastrati, i njëjti nuk ka dorëzuar fare Deklaratën nën Betim.

- **Për programin e studimit: Inferimieri, BA, 180 ECTS**, janë vendosur si bartës të programit këta persona: Vlora Pruthi, Filloreta Koca, Miranda Krasniqi.

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*.

Pas verifikimit të dokumentacionit për stafin akademik, u konstatua që asnjëri nga bartësit e programit nuk kanë gradë akademike *PhD*, ashtu sic është e përcaktuar me nenin e mësipërm. Për më tepër, bazuar në Manualin për Akreditim, Kapitulli 5: Kriteri i hulumtimit shkencor për bartësit e programeve bachelor dhe master, faqe 9, përcaktohet se: *“Bartësit e programeve që hyjnë në proces të akreditimit në nivel BA/BSc duhet të kenë të paktën 1(një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT*.

Asnjëri nga bartësit e këtij programi nuk kanë ofruar dëshmi për publikime shkencore. Gjithashtu, AKA ka verifikuar platformat për publikime, dhe ka rezultuar se asnjëri nga ta nuk ka publikime shkencore, sipas kriterëve të përcaktuara më lartë.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Pastaj, ankesa kundër këtij

akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 17 të Ligjit për Akreditim.


Prof. Ass. Dr. Hashija Ilazi
Kryetare e Këshillit Këshillëtor të Cilësisë



Vendimi iu dërgohet:

- Kolegjit ISPE;
- MASHTI;
- Arkivit të AKA-së.